



Nuuk ulloq 20. septembari - 2018

Inatsisartut Suleriaasianni § 37 imm. 1 naapertorlugu Naalackersuisunut apeqqutit imaattut matumuuna saqqummiuppakka:

Naalackersuisunut apeqqutit

- 1. Mittarfiit aningaasalersornissaannut periarfissat allanngussappat Danmarkimik amerikamiullu timmisartortartut sakkutuunik qanoq pilersaarnermik nalunaarut pillugu suleqatigiinnissamut isumaqatigiissuteqarneq pissutigalugu?**
- 2. Toqqaannartumik mittarfinnut nutaanut aningaasaleeqataanissaq periarfissaasinnaava?**
- 3. Mittarfiliortiternissamut pilersaarummi arlaannik atortussanik isertuussanik peqarpa, soorlu nalunaarutit assigiinngitsut allalluunniit?**
- Taamaassimappat, taava Naalackersuisut atortussat isertuussassat pillugit aalajangiinerminni tunngaviit suut atorpaat kikkut tamat taamaasillutik takusaqarsinnaajunnaarlugit?
- 4. Pineqarpata atortorissaarutit inuinaat sakkutuullu atorsinnaasaat, taava paasissutissat piviusut tunngavigalugit Naalackersuisut mittarfissaq nutaaq sumut inissittariaqartutut nalilerpaat?**
- 5. Illersornissaq pillugu isumaqatigiissut uani pineqartumi qanoq nipilersoqataava?**
- 6. Ilumut Kangerlussuaq matuinneqarsinnaava, illersornissaq pillugu isumaqatigiissut piugallartillugu?**
- 7. Kangerlussuaq ammaannassappat taava sakkutuunit taamaallaat atorneqartussaassava mittarfeqarnikkut pissutsit nutaat piulerpata / mittarfiit tallineqapata?**
- 8. Iluanaaruteqarnissat aamma iluanaaruteqarnissamut annertussutsit suut Naalackersuisut atorpaat mittarfissat siunnersuutigineqartut pingasut eqqarsaatigalugit aamma iluanaarutissat qanoq siviisutigisup ingerlanerani atuutissappat?**

Tunngavilersuut:

Nuannerpoq mittarfiliassat taakkulu aningaasalersornissaat eqqarsaatigalugit Danmarkki taamatullu amerikamiut sakkutuui timmisartortartut ikiuukkusummata. Kisianni qanorpiaruna ikiuukkusuttut aamma tamanna uangut nammineq akiligassatsinnut qanoq sunniuteqassava?

Suleqatigiissitsisuni kissaatigaarput mittarfiliortiternerit piviusunngortinneqassanngitsut imaluunniit annikillisarujussuarneqassasut nunatta aningaasatigut inissisimanera pissutigalugu salliutittariaqarmata inunnik isumaginninneq aamma inuutissarsiutinik ineriartortitsinissaq.

Sinerissami inuutissarsiutinik ineriartortitsinissaq kiisalu ilinniartitaanerup pitsanngorsarneqarnissaa taamatullu peqqinnissaqarfip pisariaqartippaat amerlanerusunik aningaasaliiffigineqarnissartik.

Qanoq pilersaarnermik nalunaarut pillugu suleqatigiinnissamut isumaqatigiissuteqarneq pissutigalugu imaassinnaavoq aningaasalersueriaatsit nutaat takkuttut imaluunniit aningaasaleeqataanissaq eqqarsaatigineqartoq taamaattumik tusarusunnarpoq ullumikkut pissutsit nutaat qanoq ilersimanersut.

Tillie Martinussen
Samarbejdspartiet - Suleqatigiissitsisut